



**Komunikadu Imprensa**

27 Juñu 2013

**Julgamentu kazu violénsia doméstika lima iha Tribunál Distrital Oe-cusse  
durante semana datoluk Juñu 2013**

Hahu husi 17 to'o 21 Juñu 2013, Tribunál Distritál Oe-Cusse (TDO) julga kazu lima (5) ne'ebé hotu-hotu nu'udar krime ofensa ba integridade fizika simples ho natureza violénsia doméstika.

Kazu lima ne'e tribunál julga kazu haat (4) no kazu ida (1) kontinua adia tanba vítima no arguidu la marka prezensa maske tribunál fó ona karta notifikasiadaun.

Husi kazu haat ne'ebé tribunál julga, kazu ida konklui ho pena multa \$ 15.00 no kazu ida \$ 90.00. Kazu ida seluk kondena ho pena prizaun fulan 6 maibe suspende ba tinan 1 no kazu ida tan absolve.

*“JSMP enkoraza tribunál atu kondena arguidu ba violénsia doméstika ho pena ne'ebé todan tanba violénsia doméstika hanesan krime ne'ebé domina iha Tribunál Distritál Oe-Cusse,”* dehan Luis de Oliveira Sampaio, Diretor Executivo JSMP.

Dr. João Ribeiro Juis Administrador Tribunál Distritál Oe-Cusse nian, deklara katak kazu víolensia doméstika iha TDO hetan pursentajem aas liu kompara ho kazu sira seluk. Tanba ne'e nia hanoin katak aplika pena multa mak apropridau liu atu prevene violénsia doméstika iha futuru.

Nia kompara katak durante tinan 2013 nia laran númeru violénsia doméstika komesa redus kompara ho tinan 2 liu ba kotuk depois de tribunál aplika pena multa tuir artigu 145 alinea 1 Kódigu Penál. Tanba kondenadu sira sente iha duni sansaun ba krime ne'e.

Atu hetan informasaun kle'an liután favór kontaktu:

Luis de Oliveira Sampaio

Diretor Executivo JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883|77295795 Website: [www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl